

eastadit  
hehttet dáhpáhuovvamis

## Mo sáhttit uhcit geavahit?

Mii sáhttit geahččalit unnidit iežamet geavaheami. Eat dárbbas oastit biktasiid juohke mánu, eat ge dárbbas oastit odđa dihtora ja mátketelefovna juohke jagi. Mii sáhttit skihpáriiguin lonuhallat biktasiid, girjiid ja ollu eará biergasiid. Mii sáhttit muhtin biergasiid odđasit

Go borra biepmu maid iežamet guovlluin sáhtta viežžat, de eai dárbbas borramušat páhkkejuvvot ja fievrriduvvot guhkes gaskkaid. Dat unnida nuoskkideami.



geavahit ja oastit geavahuvvon stohpogálvvuid ja eará dávviriid. Muhtimin sáhttit smiehtastit: Dárbbas go duodaid dán, vai birgen go dan haga? Olbmot geain lea vejolaš, ja geat gávpogiin orrot, sáhttet sihkkelastit ja geavahit busiid ja togaid dan sadjái go biilla, go áigot johtit. Mii sáhttit dávjibut borrat borramuša mii buvttaduvvo iežamet guovllus. Min guovlluin lea sihke biergu ja guolli, ja ollu iešguđetlágan ruotnasat ja šattut. Jos buohkat livčče unnidit geavaheami, de livččii maddái **buvttadeapmi** unniduvvot mii fas unnidivččii luondduresursasid geavaheami.

buvttadeapmi  
produkšuvdna

Biergasat maid muhtimat bálkestit, soitet leat ávkin earáide.

